

圖經衍義本草卷

三十五

苜蓿

圖經衍義本草卷之二十五


君六

宋通直郎辯驗藥材寇宗奭編集

宋太醫助教辯驗藥材許洪校正

木部下品

橡實



橡實

味苦微温無毒主下痢厚腸胃肥健人

其殼為散煮汁服亦主痢并堪染用一名杼
斗榘櫟皆有斗以櫟為勝所在山谷中皆有

圖經曰橡實櫟木子也本經不載所出州

土云所在山谷皆有今亦然木高二三丈

君六

三四月開黃花八九月結實其實為皂斗

榘櫟皆有斗而以櫟為勝不拘時採其皮

并實用爾雅云櫟其實杼釋曰櫟似樗之

木也杼盛實之房也其實橡也有杼彙自

裏詩秦風云山有苞櫟陸機云秦人謂柞

櫟爲櫟又唐風云集于苞栩陸機云今柞
櫟也徐州人謂櫟爲杼或謂之栩今京洛
及河內謂櫟亦爲杼五方通語也然則柞
櫟也杼也栩也皆椽櫟之通名也

日華子云櫟樹皮平無毒治水痢消瘰癧
除惡瘡椽斗子澀腸止瀉煮食可止飢禦
歉歲殼止腸風崩中帶下冷熱瀉痢并染
鬚髮入藥並搗炒焦用

雷公云凡使去麤皮一重取椽實蒸從巳
至未出剉作五片用之

孫真人枕中素云椽實子非果非穀而寂
益人服食未能斷穀啖之尤佳無氣而受
氣無味而受味消食止痢令人強健不極
衍義曰椽實櫟木子也葉如栗葉在處有
但堅而不堪充材亦木之性也山中以椿
君六
人為糧然澀腸木善為灰他木皆不及其
殼堪染阜若曾經雨水者其色淡不若不
經雨水者櫛亦有殼但少而不及櫟木所
實者

益智子

益智子 味辛温無毒主遺精虛漏小便餘澀
益氣安神補不足安三焦調諸氣夜多小便
者取二十四枚碎入鹽同煎服有奇驗按山
海經云生崑崙國

圖經曰益智子生崑崙國今嶺南州郡往



往有之葉似蘘荷長丈餘其根傍生小枝
高七八寸無葉花萼作穗生其上如棗許
大皮白中人黑人細者佳含之攝涎唾採
無時盧循為廣州刺史遺劉裕益智粽裕
答以續命湯是此也

君六

三

禹錫云按陳藏器云止嘔噦廣志云葉似
蘘荷長丈餘其根上有小枝高八九尺無
葉萼子叢生大如棗中辨黑皮白核小者
名益智含之攝涎穢出交趾

顧微廣州記云益智葉如蘘荷莖如竹箭

子從心出一枝有十子子肉白滑四破去
之或外皮蜜煮為粽味辛

鼠李



鼠李主寒熱瘰癧瘡○皮味苦微寒無毒主

除身皮熱毒一名牛李一名鼠梓一名柺
甲音

生田野採無時

圖經曰鼠李即烏巢子也本經不載所出
州土但云生田野今蜀川多有之枝葉如
李子實若五味子色驚黑其汁紫色味甘
苦實熟時採日乾九蒸酒漬服能下血其
皮採無時一名牛李

唐本註云此藥一名趙李一名阜李一名
烏槎樹皮主諸瘡寒熱毒痺子主馬牛六
畜瘡中蟲或生搗傳之或和脂塗皆效

食療云微寒主腹脹滿其根有毒煮濃汁

含之治蠶齒并疳蟲蝕人脊骨者可煮濃
汁灌之良其肉主脹滿穀脹和麩作餅子
空心食之少時當瀉其煮根汁亦空心服

一盞治脊骨疳

椰子皮

君六



四

椰子皮 味苦平無毒止血療鼻衄吐逆霍亂

煮汁服之殼中肉益氣去風○漿水之主消渴滄頭益髮令黑生安南樹如椶櫚子殼可爲器交州記曰椰子中有漿飲之得醉

海藥云謹按交州記云生南海狀若海椶

實名椰子大如椶許大外有麤皮如大腹子豆蔻之類內有漿似酒飲之不醉主消渴吐血水腫去風熱雲南者亦好武俠討雲南時並令將士翦除椰樹不令小邦有

此異物多食動氣也

衍義曰椰子開之有汁如乳極甘香自別
是一種氣味中又有一塊瓢形如瓜萼上
有細壠起亦白色但微虛紋若婦人裙褶
其味亦如其汁又着殼一重白肉剛取之
皆可與瓢糖煎為果汁色如白酒其味如
瓢然謂之酒者好事者當日強名之取其
殼為酒器如酒中有毒則酒沸起今人皆
漆其裏則全失用椰子之意

君六

五

紫荆木



紫荆木味苦平無毒主破宿血下五淋濃養
服之今人多於庭院間種者花豔可愛

圖經曰紫荆舊不著所生州郡今處處有
之人多於庭院間種植木似黃荆葉小無
椹花豔紫可愛或云田氏之荆也至秋子
熟如小珠名紫珠江東林澤間尤多

禹錫云謹按陳藏器云紫珠寒主解毒物
癰疽喉痺飛尸蟲毒腫癭蛇虺蟲蚕狂大
等毒並煮汁服亦煮汁洗瘡腫除血長膚
一名紫荊樹似黃荊葉小無極非田氏之
荊也至秋子熟正紫圓如小珠生江東林
澤間有之

日華子云紫荊木通小腸皮梗同用花功
用亦同

南藤

南藤

味辛温無毒主風血補衰老起陽强腰

君六

六



脚除痺變白逐冷氣排風邪亦煮汁服亦浸
酒冬月用之生依南樹故號南藤莖如馬鞭
有節紫褐色一名丁公藤生南山山谷

圖經曰南藤即丁公藤也生南山山谷今
出泉州榮州生依南木故名南藤苗如馬


鞭有節紫褐色葉如杏葉而尖採無時此
下又有千金藤云生北地者根如指色黑
似漆生南土者黃赤如細辛又有槎藤子
生廣南山林間木知通草藤三年方熟紫
黑色一名象豆醫家稀用故附於其類

南史解叔謙鴈門人母有疾夜於庭中稽
顙祈告聞空中云得丁心藤治即差訪醫
及本草皆無至宜都山中見一翁伐木云
是丁公藤療風乃拜泣求得之及漬酒法
受畢失翁所在母疾遂愈

杉木

杉木 微温無毒主療漆瘡

圖經曰杉木舊不載所出州土今南中深山
中多有之木類松而勁直葉附枝生若
刺針爾雅云披粘郭璞注云粘似松生江



南可以爲船及棺材作柱埋之不腐也又
人家常用作桶板甚耐水醫師取其節煮
汁浸捋脚氣殊效

唐柳柳州纂救三死方云元和十二年二
月得脚氣夜半痞絕脅有塊大如石且死

君六

七

因大寒不一人三日家人號哭滎陽鄭徇
美傳杉木湯服半食頃大下三下氣通塊
散取前件杉木節一大升橘葉切一大升
此地無葉可以皮代之大腹櫛榔七枚合
子碎之童子小便三大升共煮取一大升

半分兩服若一服得快利即停後服已前
三死真死矣會有教者皆得不死恐它人
不幸有類余病故傳焉又杉菌出宜州生
積年杉木上若菌狀云味苦性微溫主心
脾氣疼及暴心痛採無時

陶隱居云削作柿煮以洗漆瘡無不即差
又有鼠查生去地高尺餘許煮以洗漆多
差又有漆姑葉細細多生石邊亦療漆瘡
其雞子及蟹並是舊方

唐本註云杉材木水煮汁浸搗脚氣腫滿

服之療心腹脹痛去惡氣其鼠查漆婦有
別功列出下品

禹錫云按日華子云味辛治風賁豚霍亂
止氣並煎湯服并淋洗頭是油杉及臭者

良藥錄云

君六

八

衍義曰杉榦端直如松不凋但葉闊成枝

廬山有萬於杉寺此杉也作屑煮汁浸洗

脚氣腫滿

接骨木



接骨木 味苦甘平無毒主折傷續筋骨除風

痺齩齒可作浴湯一名蒟藿

唐本註云葉如陸英花亦相似但作樹高
一二丈許木輕虛無心斫枝挿便生人家
亦種之一名木蒟藿所在皆有之唐本先

附

禹錫云按陳藏器云接骨木有小毒根皮
主痰飲下水腫及痰瘡煮服之當利下及
吐不可多服葉主瘡小兒服三葉大人服
七葉並生搗絞汁服得吐為度本經云無
毒誤也

君六

九

產書云治產後心悶手脚煩熱氣力欲絕
血運連心頭硬及寒熱不禁接骨木破之
如筭子一握以水一升煎取半升分溫兩
服或小便數惡血不止服之即差此木煮
徧三徧其力一般此是起死人方

木鼈子



木鼈子

味甘温無毒主折傷消結腫惡瘡生

肌止腰痛除粉刺黥黥婦人乳癰肛門腫痛

藤生葉有五花狀如署預葉青色面光花黃

其子似栝樓而極大生青熟紅肉上有刺其

核似鼈故以為名出朗州及南中七八月採之

圖經曰木鼈子出朗州及南中今湖嶺諸州及杭越全岳州亦有之春生苗作蔓葉有五花葉如山芋青色面光四月生黃花

六月結實似栝萋而極大生青熟紅肉上有刺其核似鼈故以為名每一實其核三四十枚八月九月採嶺南人取嫩實及苗葉作茹蒸食之

禹錫云按日華子云醋摩消腫毒

孫用和方治痔以木鼈子三枚去皮杵碎
砂盆內研如泥以百沸湯一大椀以上入
盆器內坐上薰之至通手即洗一日不過
二三次

衍義曰木鼈子蔓生歲一枯葉如蒲桃實

君六

十

如大栝樓熟則紅黃色微有刺不能刺人
今荆南之南皆有之九月十月熟實中之
子曰木鼈子但根不死春旋生苗其子一
頭尖者為雄凡植時須雌雄相合麻縷纏
定及其生也則去其雄者方結實

釣藤



釣藤 微寒無毒主小兒寒熱十二驚癇

圖經曰釣藤本草不載所出州土蘇恭云
出梁州今亦興元府有之葉細莖長節間
有刺若釣鈎三月採字或作弔葛洪治小

兒方多用之其赤湯治卒得癇用弔藤甘
草炙各二分水五合煮取二合服如小棗
大日五夜三大良又廣濟及崔氏方療小
兒驚癇諸湯飲皆用弔藤皮二錢
藥性論云釣藤臣味甘平能主小兒驚啼

君六

十二

瘈瘲熱擁

日華子云治客忤胎風

陶隱居云出建平亦作釣藤字惟療小兒
不入餘方唐本註云出梁州細長莖間有
刺若釣釣者是

衍義曰釣藤中空二經不言之長八九尺
或一二丈者湖南北江西南江西山中皆有
小人有以穴隙間致酒瓮中盜取酒以氣
吸之酒既出涓涓不斷專治小兒驚熱

梭欄子



椶櫚子

平無毒澀腸止瀉痢腸風崩中帶下
及養血○皮平無毒止鼻洪吐血破癥治
崩中帶下腸風赤白痢入藥燒灰用不可
絕過

衍義曰椶櫚木今人旋爲器皮燒爲黑灰
治婦人血露及吐血仍佐之他藥每歲刮
取椶皮不爾束死花如魚子溼熟淹爲果
雷公云治崩中帶下

圖經曰椶櫚亦曰拊櫚出嶺南及西川江
南亦有之木高一二丈傍無枝條葉大而

圓岐生枝端有皮相重被於四傍每皮一
 匝為一節二旬一採轉復生上六七月生
 黃白花八九月結實作房如魚子黑色九
 月十月採其皮木用○山海經曰石脆一
 作翠此山其木多椹是也

芫花

君六

十二



芫花 味辛苦温微温有小毒主欬逆上氣喉

鳴喘咽腫短氣蠱毒鬼瘡疔痂癰腫殺蟲魚

消胷中痰水喜唾水腫五水在五藏皮膚

及腰痛下寒毒肉毒久服令人虛一名去水

一名毒魚一名杜芫其根名蜀桑根療疥瘡
可用毒魚生淮源川谷三月三日採花陰乾
決明爲之使反甘草

圖經曰芫花生淮源川谷今在處有之宿
根舊枝莖紫長一二尺根入土深三五寸

君六

十三

白色似榆根春生苗葉小而尖似楊柳枝
葉二月開紫花頗似紫荊而作穗又似藤
花而細三月三日採陰乾其花須未成藥
蒂細小未生葉時收之葉生花落即不堪
用吳晉本草云芫花一名敗葉一名兒草

一名黃大戟二月生青葉加厚則黑葉有
紫赤白者三月實落盡葉乃生是也而今
絳州出者花黃謂之黃芫花○漢太倉公
淳于意治臨淄女子薄吾蟻瘕爲病腹大
上膚黃羸循之戚戚然意飲以芫花一撮

即出燒可數升病遂愈

饒音

陶隱居云近道處處有用之微熬不可近
眼

藥性論云芫花使有大毒能治心腹脹滿
去水氣利五藏寒痰涕唾如膠者主通利

血脉治惡瘡風痺濕一切毒風四肢攣急
不能行步治瀉水腫脹滿

日華子云療軟瘡瘡所在有小樹子在陂
澗傍三月中盛花淺紫色

脹冲滌方治太陽中風吐下嘔逆者可攻

十棗湯主之芫花熬甘遂大戟三物等分
停各篩末取大棗十枚水一升半煮取大
合去滓納諸藥強人一錢七羸人半錢七
溫服之不下明旦更加半七下後糜粥自
養病懸飲者亦主之

經驗方治痔瘻有頭方用芫花入土根不限多少以淨水洗却入木臼擣用少許水絞取汁於銀銅器內慢火煎成膏將絲線於膏內度過繫痔繫時微痛候心躁落時以紙撚子入膏藥於竅內永除根本未落不得使水

君六

十四

三國志云魏初平中有青牛先生常服芫花年如五六十人或親識之謂其已百餘歲矣

枳椇

音止

味甘平無毒主頭風小腹拘急一

名木蜜其木皮温無毒主五痔和五藏以木
爲屋屋中酒則味薄此亦竒物

圖經曰陸機云枸枝枸也木似白楊所在
山中皆有枝枸不直噉之甘美如飴八九
月熟謂之木蜜木從南方來能敗酒若以
爲屋柱則一屋之酒皆薄

唐本註云其樹徑尺木名白石葉如桑柘
其木作房子似珊瑚核在其端又如癩漢
指頭

禹錫云按蜀本云字或車作枸云木名出

蜀近酒能薄酒味江南人呼謂之木蜜也

紫真檀

味鹹微寒主惡毒風毒

陶隱居云俗人摩以冷風毒諸腫亦效然
不及青木香又主金瘡止血亦療淋用之
唐本註云此物出崑崙盤四國也雖不生

君六

十五

中華人間遍有之也

陳藏器云檀樹如檀出海南本功外心腹

高痛霍亂中惡鬼氣殺蟲

禹錫云謹按日華子云紫真檀無毒

千金方治一切腫用紫檀細碎大醋和傳

腫上
大謂味

梅師方治金瘡止血急刮紫真檀末傳之

烏曰木 根皮味苦微温有毒主暴水瘕結積

聚生山南平澤

唐本註云樹高數仞葉似梨杏花黃曰子

黑色

陳藏器本草云烏曰葉好染皂子多取壓

為油塗頭令黑變白為燈極明服一合今

人下痢去陰下水唐本先附

禹錫云按日華子云烏曰根皮涼治頭風

通大小便以慢火炙令脂汁盡黃乾後用
斗門方大便不通用烏臼木方停一寸來
劈破以水煎取小半盞服之立通不用多
服其功神聖兼能取水

監莛子

味酸微寒無毒除痰飲瘴瘧喉中熱

結喉痺止渴解酒毒黃疸飛尸蠱毒天行寒
熱痰嗽變白生毛髮取子乾搗爲末食之嶺
南人將以防瘴○樹白皮主破血止血蠱毒
血痢殺蛇蟲並煎服之○根白皮主酒瘴搗
碎米泔浸一宿平旦空腹溫服一二升葉如

椿生吳蜀山谷子秋熟爲穗粒如小豆上有

鹽似雪食之酸鹹止渴一名叛奴鹽

陳藏器云蜀人爲之酸桶博物志云酸桶

七月出穗蜀人謂之主音穗上有鹽著可

爲羹亦謂之酢桶矣吳人謂之烏鹽也

君六

十六

禹錫云按陳藏器云子主頭風白屑效

日華子云鹽麩葉上毬子治中蠱毒毒藥

消酒毒根用並同

楠材微温主霍亂吐下不止

陶隱居云削作棟煮服之卒急无他藥用

此

禹錫云按日華子云味辛微熱毒治轉筋
衍義曰楠材今江南等路造船場皆此木
也緣木性堅而善居水久則多中空為白
蟻所穴

柘木

味甘温無毒主補虛損取白皮及東行

根白皮煮汁釀酒主風虛耳聾勞損虛羸瘦

腰腎冷夢與人交接洩精者取汁服之無刺

者良主婦人崩中血結及主瘡疾兼堪染黃

衍義曰柘木裏有紋亦可徒為器葉飼蚕

曰柘蠶葉梗然不及桑葉東行根及皮主
煮汁釀酒治風虛耳聾有驗餘如經

木槿平無毒止腸風瀉血又主痢後熱渴作

飲服之令人得睡入藥炒用取汁度絲使得

易絡○花涼無毒治腸風瀉血并赤白痢炒

君六

十七

用作湯代茶喫治風

實衍義曰木槿如小葵花淡紅色五葉成一

花朝開暮斂花與枝兩用湖南北人家多

入種植為籬障餘如經

石南味辛苦平有毒主養腎氣內傷陰衰利

筋骨皮毛癢脚弱五藏邪氣除熱女子不可
久服令思男○實殺蠱毒破積聚逐風痺一
名鬼目生華陰山谷二月四月採葉八月採
實陰乾五加皮爲之使

圖經曰石南生華陰山谷今南北皆有之

生於石上株極有高大者江湖間出者葉
如枇杷葉有小刺凌冬不凋春生白花成
簇秋結細紅實關隴間出者葉似莽草青
黃色背有紫點兩多則併生長及二三寸
根橫細紫色無花實葉至茂密南北人多

移以植庭宇間陰翳可愛不透日氣入藥
以關中葉細者良二月四月採葉四月採
實陰乾

禹錫按蜀本云終南斜谷近石處甚饒今
市人多以瓦韋為石韋以石韋為石南不
可不審之

藥性論云石南臣主除熱惡小蘗無毒能
添腎氣治軟脚煩悶痛殺蟲能逐諸風雖
能養腎又令人陰痿
衍義曰石南葉狀如枇杷葉之小者但背

無毛光而不皺正二月間開花冬有二葉
為花苞苞既開中有十五餘花大小如椿
花甚細碎每一苞約彈許大成一毬一花
六葉一朶有七八毬淡白綠色葉末微淡
赤色花既開藥滿花但見藥不見花花纔

君六

十六

罷去年綠葉盡脫落漸生新葉治腎衰脚
弱最相宜但京洛河北河東山東頗少人
以此故少用湖南北江東西二浙甚多故
多用南實今醫家絕不用

木天蓼

味辛溫有小毒主癥結積聚風勞虛

冷生山谷中

圖經曰木天蓼木高二三丈三月四月開
花似柘花五月採子子作毬形似蒜其毬
子可藏作果敢之亦治諸冷氣蘇恭云作
藤蔓生者自是藤天蓼也又有三種小天
蓼生天目山四明山木如梔子冬不凋然
則天蓼有三種雖其狀不同而療體甚相
似也

唐本註云作藤蔓葉似柘花白子如棗許
無定形中瓢似茄子味辛敢之以當薑蓼

其苗藤切以酒浸服或以釀酒去風冷癥
癖大效所在皆有今出安州申州
陳藏器本草云木天蓼今時所用出鳳州
樹高如冬青不凋出深山人云多服損壽
以其逐風損氣故也不當以藤天蓼為主

君六

十九

既云木蓼豈更藤生自有藤蓼爾唐本先
附此

禹錫云按藥性論云天蓼子使味苦辛微
熱無毒能治中賊風口面喎斜主冷痲痺

黃氣塊女子虛勞

黃環

味苦平有毒主蠱毒鬼疰鬼魅邪氣在
藏中除欬逆寒熱一名凌泉一名大就生蜀
郡山谷三月採根陰乾鷲尾為之使惡伏苓
防已

陶隱居云似防已亦作車輻理解蜀都賦

云青珠黃環者或云是大戟花定非也用

甚稀市人甚有識者

唐本註云此物襄陽巴西人謂之就葛作

藤生根亦葛類所云似防已作車輻解者

近之人取葛誤得食之吐痢不止用土漿

解乃差此真黃環也餘處亦稀惟襄陽大
有本經用根今云大戟花非也其子作角
生似阜角花實與葛同時矣今園庭種之
大者莖徑六七寸所在有之謂其子名狼
跋子今太常科劔南來乃雞屎葛根非

禹錫云按藥性論云黃環使惡乾薑大寒
有小毒治上氣急寒熱及百邪無端

溲疏

味辛苦寒微寒無毒主身皮膚中熱除
邪氣止遺溺通利水道除胃中熱下氣可作
浴湯一名巨骨生熊耳川谷及田野故丘墟

地四月採漏蘆為之使

陶隱居云李云溲疏一名楊櫨一名牡荊

一名空疏皮白中空時時有節子似枸杞

子冬月熟色赤味甘苦末代乃無識者此

實真也非人籬援之楊蘆也李當之此說

君六

二十

於論牡荊乃不為大乖而濫引溲疏恐斯
誤矣又云溲疏與空疏亦不同耳疑應作
熊耳熊耳山名都無掘耳之號

唐本註云溲疏形似空疏樹高丈許白皮

其子八九月熟色赤似枸杞子味苦必兩

兩相並與空疏不同空疏一名揚蘆子爲
莢不似洩疏疏與空疏樹高丈許白文
今註洩疏枸杞雖則相似然枸杞無刺洩
疏有刺枸此爲別爾洩疏亦不同耳
禹錫云按藥性論云洩疏使何對

小天蓼

味甘溫無毒主一切風虛羸冷手足
疼痺無論老幼輕重浸酒及煮汁服之十許
日覺皮膚間風出如蟲行生天目山四明山
樹如梔子冬不凋野獸食之更有木天蓼出
山南大樹今市人貨之云久服促壽當是其

逐風損氣故也本經有木天蓼即是此也蘇
註云藤生子辛與木又異應是復有藤天蓼
江淮南山間有木天蓼作藤著樹葉如梨花
而薄子如棗辛甘大主風血羸痺腰脚疼冷
取皮釀酒即是蘇引為天蓼注者夫如是則

君六

二十一

有三天蓼俱能逐風其中優劣小者最為勝

附今蘇其下具出陶云其黃其備以文白今本

圖經曰文具見木天蓼條下藥木節長一

小藥味苦大寒無毒主口瘡疔屨殺諸蟲去

心腹中熱氣一名山石榴

唐本註云其樹枝葉與石榴無異但花異
子細黑圓如牛李子耳生山石間所在皆
有襄陽峴山東者為良陶於藥木附見一
種其一是此陶云皮黃其樹乃皮白今太
常所貯乃葉多刺者名白刺藥非小藥也
今按陳藏器本草云凡是藥木皆皮黃今
既不黃而自然非藥小藥如石榴皮黃子
赤如枸杞子兩頭尖人剉枝以染黃若云
子黑而圓恐是別物非小藥也唐本先附

茨葎

音迷味甘苦平無毒主三蟲下氣消穀

唐本註云葉似木槿及似榆作小樹其子如渡疏兩兩相並四四相對而色赤味甘煮樹枝汁和作粥甚美以飼小兒殺蛇蟲不入方用陸機草木疏名擊蓬一名弄先蓋檀榆之類也所在山谷有之

今註陳藏器本草云莢蓬主六畜瘡中蛆煮汁作粥灌之蛆立出皮堪為索生北土山林間唐本先附

楓柳皮

楓音風

味辛大熱有毒主風齟齒痛出

原州

本州有藥山縣在赤縣東六十里

唐本註云葉似槐莖赤根黃子六月熟綠

色而細剝取莖皮用之唐本先附

陳藏器云性澀止水痢蘇云下水腫腫非

澀藥所治有殊蘇為誤矣

赤爪木 味苦寒無毒主水痢風頭身痒生平

君六

二十二

陸所在皆有實味酸冷無毒汁服主水痢沐

頭及洗身上瘡痒一名羊採一名鼠查

唐本註示小樹生高五六尺葉似香菜子

似虎掌瓜大如小林梢赤色出山南申安

隨等州唐本先附

樺木皮 味苦平無毒主諸黃疸濃煮汁飲之

良堪為燭者木似山桃取脂燒辟鬼附今中安

衍義曰樺木皮燒為黑灰合他藥治乍風

毒及取皮上有紫黑花勻者裹鞍弓韉

榼藤子 味澀甘平無毒主蠱毒疔痔喉痺及

小兒脫肛血痢並燒灰服瀉血宜服一枚以

刀剉肉瓢熬研為散空腹熱酒調二錢不過

三服必效又宜入澡豆末除黥黥其殼用貯

丹藥經載不壞按廣州記云生廣南山林間

樹知通草藤也三年方如熟紫黑色一名象

豆附今

禹錫云按日華子云治飛尸入藥灸用

榧實

上音匪

味甘無毒主五痔去三蟲蠱毒鬼

疰生永昌

陶隱居云今出東陽諸郡食其子療寸白

君六

二十三

蟲

衍義曰榧實大如橄欖殼色紫褐而脂其

此中子有一重麤黑衣其人黃白色服久漸

本甘美五痔人常如果食之愈過多則滑腸

藥荆

味辛苦温有小毒主大風頭面手足諸

風癩癩狂瘞濕痺寒冷疼痛俗方大用之而
本草不載亦無別名但有藥花功用又別非
此花也

唐本註云按其莖葉都似石南乾亦反卷
經冬不死葉上有細黑點者真也今雍州
所用者是而洛州乃用石荆當之非也唐

本先附及置國中今和五豨都不得出
禹錫云按藥性論云藥荆子君惡石膏味
甘辛微熱無毒能治四肢不遂主通血脉

明目益精光決明爲使

去風血神麻桑葉

扶移木皮

味苦平有小毒去風血脚氣疼痺

踈損瘀血痛不可忍取白皮火炙酒浸服之

和五木皮煮作湯捋脚氣疼腫殺疥步生蟲

風瘙燒作灰置酒中令味正經時不敗生江

南山谷樹大十數圍無風葉動華反而後合

詩云棠之華偏其反而鄭註云棠移也

亦名移楊崔豹云移楊圓葉弱蒂微風大搖

新補見
陳藏器

藥實根

味辛温無毒主邪氣諸痺疼酸續絕

傷補骨髓一名連木生蜀郡山谷採無時

唐本註云此藥子也當今蠱用調名那綻
出通州渝州本經用根恐誤載根字子味
辛平無毒主破血止痢消腫除蠱疰搜毒
亦崗子生葉似杏花紅白色子肉味酸甘用
其核人

君六

二十四

藥華 味苦寒無毒主目痛淚出傷皆消目腫

生漢中川谷五月採決明為之使

蔓 唐本註云此樹葉似木槿而薄細花黃似

槐而小長大子殼似酸漿其中有實如熟

豌豆圓黑堅硬堪為數珠者五月六月花

可收南人取合黃連作煎療目赤火大效
花以染黃色甚鮮好

蔓椒

味苦溫無毒主風寒溫痺歷節疼除四

肢厥氣膝痛一名豕椒一名猪椒一名彘椒
一名狗椒生雲中生谷及丘冢間採莖根煮

釀酒

陶隱居云山野處處有俗呼為膠似椒黨
小不香爾一名稀椒可以蒸病出汗也

感藤

味甘平無毒調中益氣主五藏通血氣

解諸熱止渴除煩悶治腎鈞氣如木防已生

江南山谷如雞卵大斫藤斷吹氣出一頭其

汗甘美如蜜葉生研傳蛇咬瘡一名甘藤甘

感聲近又名甜藤也新補見陳藏器日華子

赤檉木無毒主剝驢馬血入肉毒取以火炙

用熨之亦可煮汁浸之其木中脂一名檉乳

君六

二十五

入合質汗用之生河西沙地皮赤色葉細附今

禹錫云按爾雅疏云檉一名河柳郭云今

河傍赤莖小揚陸機云生水傍皮正赤如

突絳一名雨師枝葉似松

日華子云赤檉木温

哭厥白 味苦主金瘡生肉止痛補腰續筋出
突厥國色白如灰乃云石灰共諸藥合成之
夷人以合金瘡中國用之

今註醫家見用經效者潞州出焉其根黃
白色狀似茯苓而虛軟苗高三四尺春夏
葉如薄荷花似牽牛而紫上有白稜二月
八月採根暴乾今附

賣子木 味甘微鹹平無毒主折傷血內溜續
絕補骨髓止痛安胎生山谷中

圖經曰賣子木本經不載所出州土注云

出劔南印州今惟渠州有每歲出貢謂之

賣子木

波羅得

味辛温無毒主冷氣塊温中補腰腎

破痲痺可染髭髮令黑樹如柳子如草音卑麻

生西國

附今

海藥云謹按徐氏云生西海波斯國似中

華柳樹也方家多用

甘露藤

味甘温無毒主風血氣諸病久服調

中温補令人肥健好顏色止消渴潤五藏除

腹内諸冷生嶺南藤蔓如筋一名肥藤人服

之得肥也

新補見陳藏器日華子

大空

味辛苦平有小毒主三蟲殺蠅蟲生山

谷中取根皮作末油和塗蠅蟲皆死

唐本註云根皮赤葉似楮小圓厚作小樹

抽條高六七尺出襄州山谷所在亦有秦

君六

二十六

隴人名為獨空唐本先附

椿莢

主大便下血今近道處處有之夏中生

莢樗之有花者無莢有莢者無花常生臭樗

上未見椿上有莢者然世俗不辯椿樗之異

故俗中名為椿莢其實樗莢耳

衍義曰椿木葉椿樗皆臭但一種有花結
子一種無花不實世以無花不實木身大
其幹端直者為椿椿用木葉其有花而莢
木身小幹多迂矮者為樗樗用根葉莢故
曰未見椿上有莢者惟樗木上有又有樗

雞故知古人命名曰不言椿雞而言樗雞
者以顯有雞者為樗無雞者為椿其義甚
明用椿木葉樗木根葉莢者宜依此推窮

水楊葉

嫩枝味苦平無毒主久痢赤白搗和

水絞取汁服一升日二大效

今註水楊葉圓闊而赤枝條短硬多生水
岸傍樹與楊柳相似既生水岸故名水楊
唐本先附

楊櫨木 味苦寒有毒主疽癩惡瘡水煮葉汁

洗瘡立差生籬垣間一名空疏所在皆有
唐本

君六

二十七

先附

欖子 味辛辣如椒主遊蠱飛尸著喉口者刺

破以子搯之令血出當下涎沫煮汁服之去

暴冷腹痛食不消殺腥物木高大莖有刺
新補

見陳藏器

柞木皮 味苦平無毒治黃疸病皮燒末服方

寸七生南方葉細今之作梳者是新補見陳藏器日華

子

黃櫨 味苦寒無毒除煩熱解酒疸目黃煮服

之亦洗湯火漆瘡及赤眼堪染黃色生商洛

山谷葉圓木黃川界甚有之新補見陳藏器日華子

柯樹皮 味辛平有小毒主大腹水病取白皮

作煎令可圓如梧桐子大平旦三圓須臾又

一圓一名木奴南人用作大船者也

海藥云謹按廣志云生廣南山谷臨海志

云是木奴樹主乳氣採皮以水煮去滓復
鍊候凝結丸得為度每朝空心飲下三圓
浮氣水腫並從小便出故波斯家用為船

舫也

敗扇

主蚊子新造屋柱下四隅埋之蚊永不

入燒為末和粉粉身上主汗彌敗者佳

嬰子桐子

有大毒壓為油毒鼠主死摩疥癬

蟲瘡毒腫一名虎子桐似梧桐生山中

石荆

藥荆注蘇云用當藥荆非也按石荆似

荆而小生水傍作灰汁沐頭生髮廣濟方云

一名水荆主長髮是也

木梨蘆

漏蘆注陶云漏蘆一名鹿驪生南山
人用苗北人用根功在本經木梨蘆有毒非
漏蘆樹生如茱萸樹高三尺有毒殺蟲山人
以瘡疥用之

君六

二十八

圖經衍義本草卷之二十五



共
秋

